

空瓶器置於一處自然有其清淨水滿水中
盈積諸妙珠寶二者渴須水時自然有其八
功德水出現於前三者身中離諸災難所謂
若毒若刀若火若水若飲伏威光若吞噉怖
畏四者若值刀兵劫時疾疫劫時饑饉劫時
火災劫時水災劫時風災劫時渴乏劫時炎

熱劫時夜叉難時現生閻浮提中者即得天
界中生受諸快樂所受妙樂如金剛嬉戲此
是希有之法

佛說大乘菩薩藏正法經卷第二十 頌十

佛說大乘菩薩藏正法經卷第二十一 魏一

西譯經三藏聖教宗卷之三 佛說大乘菩薩藏正法經卷第二十一 頌十

持戒波羅蜜多品第七之四

復次舍利子五者脩菩薩行者以此善根於
現生中離諸障難於現生中不墮惡趣惡作
不能擾動其心速得出離如是五種希有之

法脩菩薩行者以善根力故皆得圓滿
復次舍利子以此善根力故又復獲得四種
不離等引之法何等為四一者菩薩同其見
者於諸苦惱衆生成起大悲之心二者所有
男女眷屬皆生尊重愛樂之心三者老相逼
來漸加衰邁然其善力勢分還增四者所得

財利百倍漸增一至于三

又復獲得三種無損害法何等為三一者貧
無損害二者瞋無損害三者癡無損害又復
獲得四種安樂之法何等為四一者長時離
諸病惱二者身不枯悴三者受用無諸闕乏
四者不為王難及盜賊難并餘諸難而來逼

惱 又復獲得四種尊重之法何等為四一
者為轉輪王統四大洲正法治化七寶具足
七寶所謂輪寶象寶馬寶珠寶女寶主藏臣
寶主兵臣寶千子圍繞各勇健悉具無畏
最上色相能伏佗軍而四大洲所行所作皆
順王化輔弼大臣及諸小王乃至國城民庶

咸悉尊重而皆信奉二者於其五欲樂中不極耽愛五欲所謂眼觀色耳聽聲鼻嗅香舌了味身覺觸於斯五境受而無著發淨信心愛樂出家速疾獲得五種神通得人非人常起尊重三者所在在所生一切最勝智勝慧勝王神通勝此由過去世中脩諸善行具大名

稱得轉輪王最上之座輔弼臣佐國城民衆於一切處常起尊重四者乃至證成阿耨多羅三藐三菩提果最尊最上於其一切天龍夜叉乾闥婆阿脩羅迦樓羅緊那羅摩睺羅伽人非人等大衆之中而爲高勝脩習戒定慧解脫解脫知見如是法中亦復高勝又能

成就戒定慧解脫解脫知見法中高勝如是四種尊重之法謂由尊奉阿闍黎師長隨諸所作給奉水瓶積集此等無量功德以其攝受法故成法利故若來若去如其所說不生違背又復以此善根獲得四種緣具之法何等爲四一者得王緣具王緣具者即是仙

魏一

二

中緣具二者棄捨欲樂發生淨信愛樂出家此說即是法之緣具三者脩菩薩行者在在所生若此生若他生及一切生悉得宿命智通而常不捨大菩提心此說即是念緣具四者乃至證成阿耨多羅三藐三菩提果四衆圍繞尊重恭信乃至一切天龍夜叉乾闥婆

阿脩羅迦樓羅緊那羅摩睺羅伽人非人等而常圍繞尊重恭信

又復脩菩薩行者於阿闍黎所乃至受得一四句偈如阿闍黎指誨言來即來言去即去此是善根此是不善根此是有罪此是無罪此所應親近此不應親近此所作時爲無義

利生諸苦惱此所作時利益安樂如其所說不善不作善法當作無諸障礙亦無違背以此善根得圓具者獲得四種高勝之法何等爲四一者淨戒高勝二者身相高勝三者身相圓滿四者得大慧根得速疾慧猛利慧極迅速慧甚深慧善決擇慧身壞命終得生天

界 又復獲得四種不可觀法何等為四一
者獲得內藏秘密二者以善根力故所有父
母及餘知識乃至天龍夜叉乾闥婆阿脩羅
迦樓羅緊那羅摩睺羅伽人非人等以清淨
心而悉不能觀見脩菩薩行者所有頂相三
者以善根力故隨諸所作所有父母知識乃

三

三

至人非人等以清淨心或不清淨心而悉不
能觀見脩菩薩行者所有面門及二足門何
以故彼不能觀者謂以菩薩希有相故具士
夫相故士夫語言故四者脩菩薩行者以具
善根力故菩薩生時不假扶持即自於地安
然竝立徧觀四方得最上智何以故謂以善

薩於先世中歷脩無諂多聞聖道得無諂眼
根無諂眼境乃至徧觀三千大千世界皆悉
觀見而無障礙天眼清淨超過人眼菩薩已
得速疾大智以其大智得圓具故菩薩於一
切衆生所愛樂心悉能了知所以者何以其
菩薩先世所作善能攝受一切心故尊重猶

如聖妙藥想諸珍寶想極難得想如所說善
道諸衆生想正法出生而善聞持是故菩薩
獲得如是善決擇智由其具此決擇智故菩
薩與一切衆生淨戒同等乃至聞定慧解脫
解脫知見同等戒和合同等乃至聞定慧解
脫解脫知見和合同等一切衆生戒無動同

等乃至聞定慧解脫解脫知見無動同等以
一切衆生戒無動同等故即一切衆生戒無
動增長亦復同等乃至聞定慧解脫解脫知
見無動增長同等一切衆生威儀道行脩行
精進同等故即一切衆生乎相推求而一切
衆生所有戒聞定慧解脫解脫知見和合所
有一切衆生戒等無動一切衆生戒等無動
增長一切衆生威儀道行脩行精進總攝一
切福蘊於一切處誠諦推求平等平等亦無
平等可見
又復於其一切最極根本之處一切衆生互
相推求所有我相平等平等亦無平等可見

由是脩菩薩行者於利那間速得一切業報成就智生於彈指頃了知一切衆生千種心行如是一切推求我相而悉平等平等亦無平等可見住最上處了知我空是故菩薩如師子如大龍初生履地即行七步發菩提場勝果報故一心清淨肅恭住已作如是言我

釋一

四

於天上人間最勝最上我能為諸衆生宣說極盡生老病死畢竟邊際逼惱之法舍利子然後若諸菩薩若諸如來即於三千大千世界出淨妙音顯示一切念時大地普徧震動皆生驚怖身毛喜豎相續自然天鼓音樂而彼地方菩薩立時菩薩行時皆悉震動光明

出現妙色相身乘光而住凝然不動而彼一切悉能瞻見乃至成證阿耨多羅三藐三菩提果一切衆生悉不能見此是第四不可見法如是四種不可見法皆由菩薩昔於阿闍梨所諦受誨言若往若來隨諸所作以是善根力故獲得如來四種迅速之法何等為四

一者隨順聽受諸佛世尊無虛假言宣說正法二者以善根力故佛自宣言善來苾芻即時鬚髮自落袈裟著身執持應器成苾芻相三者以善根力故如來於三時中了知一切衆生心意四者智起善解勝妙方藥拔除一切衆生病苦

又復以其善根力故獲得四種無過失法何等為四若言如來有其火風刀毒四種難者無有是處

又復獲得四種無過失法何等為四一者若言如來能使無聞衆生而聽正法及癡闇衆生受法句者無有是處二者不住等引心者

釋一

五

能令一念發心無有是處三者如來常住等引心中若言不行慈悲喜捨無有是處四者若言如來普能攝受一切衆生身色相者無有是處

又復獲得如來五種勝無量法何等為五一者如來戒聞無量二者定無量三者慧無量

四者解脫無量五者解脫知見無量
又復獲得四種願智之法何等爲四一者過
去世中諸佛世尊無著無礙知見隨轉二者
未來世中諸佛世尊無著無礙知見隨轉三
者現在世中諸佛世尊無著無礙知見隨轉
四者如來不思議門之所成辦以不思議門

故即具三世平等正等正覺之智而正等覺
智者不繫屬他以是不思議智如來悉能了
知諸法若具如是不思議智即能了知世間
一切風雨等事世間有風名曰順次其風吹
鼓世間衆生是風高起三俱盧舍盤旋空中
又復有風名曰如雲吹鼓世間是風高起五

俱盧舍盤旋空中又復有風名曰癡冥吹鼓
世間是風高起十踰騰那盤旋空中又復有
風名虛空相吹鼓世間是風高起三十踰騰
那盤旋空中又復有風名曰如來吹鼓世間
是風高起四十踰騰那盤旋空中舍利子如
來應供正等正覺慧所攝故能知六十八千

俱胝風輪事相西方有風名曰周廣吹鼓世
間是風高起六十八千踰騰那住於大地水
輪之中從水輪起復高六十八千踰騰那舍
利子如前所說過是等數三千大千世界大
蘊如來應供正等正覺現住說法教化衆生
其佛壽量三十俱胝歲有三十俱胝那庾多

大聲聞衆皆是阿羅漢諸漏已盡無復煩惱
乃至心得自在到於彼岸有百俱胝大菩薩
衆皆是已得住菩薩藏者鮮決定義宣說多
聞甚深法海者善脩空無相無願勝行之者
佛住千歲之後入大涅槃佛涅槃後正法住
世經百千歲其後所得如來舍利廣大流布

魏一

六

如我今時涅槃之後舍利流布亦復如是舍
利子如來無礙聖智最上無量如來智風曼
拏羅廣大圓滿諸佛刹土亦悉圓滿舍利子
上方有世界今無佛出世彼有千緣覺衆現
住教化衆生於彼種植善根智所攝故舍利
子智所攝故如來不獨了知上方殘伽沙數

等如來應供正等正覺現住說法者所有十方無量不可數不思議無等比如來應供正等正覺現住說法者而悉能知

爾時尊者舍利子前白佛言世尊脩菩薩行者植何等善根而能圓具如來應供正等正覺如是無障礙智佛言舍利子脩菩薩行者

若能善調伏心起尊重想從法出生聖妙藥想大珍寶想極難得想勝善根想如所說想極尊重想攝受正法想應當如是勤勇脩進舍利子如來廣多勝智最上最勝無所斷智無量無數不思議無等比不可說於一彈指頃所有十方殊伽沙數諸佛刹土若來若去

若行若住悉得解脫舍利子我所得解脫從聞持故速得解脫極解脫者謂善解脫何所解脫謂解脫一切苦故舍利子若人聞是所說起尊重心是人於所聞聞即能發生清淨信心如聞所住常得不離諸佛正法隨何等相名句文義此等正法即能受持以此善根

魏

七末

殊勝力故即得四種勝慧之法何等為四一者獲得大慧二者以勝慧故而得見佛親近攝受三者以勝慧故淨信出家四者以勝慧故成證阿耨多羅三藐三菩提果此是四種勝慧之法

又復獲得四種無礙之法何等為四一者得

生人中而無障礙二者值佛出世親近信奉而無障礙三者淨信出家而無障礙四者成證阿耨多羅三藐三菩提果而無障礙如是四種無礙之法

又復獲得四聖分法何等為四一者得轉輪王具勝金輪二者得大梵王統於梵世三者

得帝釋天主四者成證阿耨多羅三藐三菩提果而得圓滿了知神通境界天上人間得真實眼

佛說大乘菩薩藏正法經卷第二十一

僧明戒書